

ծի: Նա մի անգամից ունենում է երկու մեծ կորուստ, որ այնքան մօտ էին նրա սրտին, որ այնքան գրաւել էին նրա մտածութիւնները, մէկը՝ անկախ, ազատ գաղթականութիւնը Ղնդկաստանում, միւսը՝ իր սիրած աղջիկը... Երկար որոնումներից յետոյ Քարուլի հայոց եկեղեցու բակում գտնում է Ռափայէլին եւ Սագօյին, հիւանդութեան մահճի մէջ դրոած: Նրանց վերքերը դեռ չէին բժշկուել, որ ստացել էին պարսից սարվազների յարձակման ժամանակ: Նրանցից տեղեկանում է Կարօն աղետալի անցքի մանրամասնութիւնները: Նրանք պատմում են, թէ յարձակումը տեղի ունեցաւ գիշերով, իրանք, խառնուած լինելով կռոի մէջ, չկարողացան նկատել, թէ ո՛վ յափշտակեց, կամ ո՛ր կողմը տարան նրա նշանածին: Բայց երբ առաւօտեան լոյսը բացոցեցաւ, նրանք գտան իրանց վիրաւոր ընկած, որոնց թշնամին, սպանուած համարելով, թողել, հեռացել էր: Իսկ բռշաների մասին դեռ չգիտէին, թէ ի՞նչ եղան, կամ ո՛րը գնացին: Կարօն մնում է վիրաւորների մօտ, մինչեւ առողջանում են: Յետոյ, Սագօյին իր հետ առնելով, գնում է Պարսկաստան, իսկ Ռափայէլը վերադառնում է Չաւայ կղզին: Ահա՛ այդ էր Ռափայէլի նամակի բովանդակութիւնը, որ ես ստացայ Բաթաւիայից, այդ էր, որ ստիպեց ինձ շտապել եւ շուտով իմ հայրենիքը վերադառնալ: Ես աւարտել էի իմ ուսումը, Չալլաղը նոյնպէս աւարտել էր: Երկուսս միասին թողեցինք սիրելի Ամերիկան, տանելով մեզ հետ շա՛տ եւ շա՛տ անմոռանալի յիշատակներ...

Ասլանը իր պատմութիւնը հասցրեց մինչեւ այստեղ, իսկ նրա շարունակութիւնը ես արդէն գիտէի... Այո՛, ես գիտէի, ես դեռ չէի մոռացել այն խօսքերը, որ մի օր անզգուշութեամբ թըցրեց իր լեզուից պառաւ Սուսանը, երբ առաջին անգամ հանդիպեցի նրան, արաբական միւնարեթի մօտ: «Երբ Դինբուլի խանը կողոպտեց, կոտորեց մեր ցեղը, Սուսանը կապեց իր քամակին Կարօյի երեխան եւ մենակ անցաւ Զերաթի անապատներից... Արդեօք Զիւբբին Կարօյի երեխան չէ՞ր, որին պառաւ բռշան ման էր ածում իր հետ: Արդեօք Դինբուլիների ամրոցում փակուած կինը Կարօյի կորցրած նշանածը չէ՞ր, որ Սուսանի միջոցով աղաչում էր Կարօյին ազատել իրան գերութիւնից: Արդեօք այդ պառաւ բռշան. Սուսանը, Կարօյի նշանածի մայրը չէ՞ր, որ կախարդի անուևով մտնում էր Դինբուլիների ամրոցը, իբր թէ կանանց համար գուշակութիւններ անելու եւ, այդ առիթից օգուտ քաղելով, տեսնում էր իր աղջկան: Ես դեռ չէի մոռացել այն խօսքերը, որ մի անգամ, աւերակ մատուռի մօտ, այն նոիրական ծառերի տակ Զիւբբին միամտաբար ասաց ինձ. «Զիւբբին Սուսանի թոռն է, Զիւբբին անբախտ աղջիկ է, նրա մայրը կորած է, Զիւբբին պտրում է իր մորը...»: Այդ բոլորը ինձ համար պարզ էր: Բայց մի բան դեռ մթութեան մէջ էր մնում, թէ ի՞նչ եղաւ հնդկացի Ռափայէլը, որի մասին